



Elektronski nadzor u cilju zaštite od nasilja, prijetnji i uhođenja

Da biste se bolje zaštitili od nasilja, prijetnji ili uhođenja od strane neke određene osobe koja Vas ugrožava, možete da kod Građanskog suda u skladu sa članom 28b Građanskog zakonika (ZGB) zahtijevate da se toj osobi u određenom trajanju zabrani da Vam se približava i/ili da sa Vama stupa u kontakt. Kod Građanskog suda možete osim toga da u skladu sa članom 28c Građanskog zakonika zahtijevate da osoba koja Vas ugrožava u cilju nadziranja ove zabrane nosi elektronski odašiljač. Nadzirana osoba se uz to može obavezati da učestvuje u troškovima ovog nadzora.¹

Kako funkcioniše elektronski nadzor?

Osobi koju treba nadzirati se na nožnom zglobu postavlja odašiljač. Ovaj odašiljač preko GPS javlja gdje se ta osoba u određenom trenutku nalazi. Odašiljač takođe javlja kada se isti skine ili se njime manipuliše. U redovnim razmacima (ne u realnom vremenu) se provjerava da li je ta osoba kršila zabranu (takozvani "pasivni nadzor"). Kršenja se vide tek kasnije. Ne mogu se prepoznati zabranjena uspostavljanja kontakata nefizičkim putem (preko mobilno telefona, aplikacije Whatsapp, telefona, e-maila, pisma).

Kako me štiti elektronski nadzor?

Elektronski nadzor ne garantuje da se nadzirana osoba pridržava zabrane kontakata i približavanja. Kada se međutim ta osoba ne pridržava zabrane, to vide organi (u kasnijem trenutku). Tako se može dokazati da se kršenje dogodilo i gdje se dogodilo. To treba pomoći da se osoba koja Vas ugrožava pridržava zabrane kontakata i približavanja.

Šta se događa u slučaju kršenja zabrane?

Kršenje se vidi tek kasnije (takozvani „pasivni nadzor“). U trenutku u kojem organi vide kršenje, osoba koja Vas ugrožava je najčešće već otišla sa zabranjenog mjesta. Policija se stoga *ne* informiše, jer se kršenje već dogodilo i policija ga više ne može spriječiti. Kada organi vide kršenje u sistemu nadzora, oni kršenje u okviru roka od nekoliko radnih dana prijavljuju Državnom tužilaštvu i Građanskom sudu. Državno tužilaštvo izriče globu nadziranoj osobi. Građanski sud može osim toga na Vaš zahtjev produžiti elektronski nadzor, ukoliko za to postoje pretpostavke.

Da li ću saznati za kršenje zabrane?

U okviru roka od nekoliko dana bićete informisani o kršenjima (kopija prijave Državnom tužilaštvu). Ukoliko ne želite saznati za kršenje, to možete saopštiti Građanskom sudu.

Šta mogu učiniti ukoliko se ne osjećam sigurnim/sigurnom?

Ukoliko ste u nevolji, pozovite u svakom trenutku policiju na broj za hitne pozive 117.

Kome se mogu obratiti ukoliko tražim pomoć?

U Kantonu Basel-Grad na raspolaganju Vam stoje različite ponude za pomoć. Na kartici za hitne slučajeve naći ćete sva relevantna stručna mjesta kojim se možete obratiti.

- Kartica za hitne slučajeve i na adresi:

<https://www.bs.ch/themen/sicherheit-und-demokratie/gewalt/haeusliche-gewalt/infomaterial-deutsch-und-fremdsprachen>

¹ Pravne osnove savezni nivo: Građanski zakonik, čl. 28b i 28c: https://www.fedlex.admin.ch/eli/cc/24/233_245_233/de (stanje: januar 2022.)
Pravne osnove kantonalni nivo: Uredba o elektronskom nadzoru u cilju zaštite osoba pogođenih nasiljem (SG 212.191): https://www.gesetzessammlung.bs.ch/app/de/texts_of_law/212.191 (stanje: januar 2022.).

- Pomoć žrtvama beider Basel savjetuje kod socijalnih, pravnih, psiholoških, medicinskih pitanja, pitanja u vezi sa osiguranjem i kod finansijskih pitanja: Telefon: 061 205 09 10, www.opferhilfe-beiderbasel.c